


大
隱
集



欽定四庫全書



大隱集卷六

宋 李正民 撰



書

與祝師龍書

某啟薦辱垂訪詢以著述之文僕於此不敢為也久矣
欲默不言盧閣下之未察也僕嘗謂自孔子沒大道乖
離百家技衆雜然並起各以所聞著書行於天下於是
孟軻氏荀况氏尊孔子明王道以至於今其書尚在也漢

之作者多矣傳於世者相如史遷楊雄班固而止耳
唐之作者多矣傳於世者韓愈柳子厚李太白杜甫而
止耳其餘綴文之士多者百餘篇少者三四十篇其人
不可勝數或僅有傳者而磨滅散亡百無一二存焉是
可不為歎息哉宋興巨儒碩學之流彬彬繼出述作之
盛布在天下自今觀之家誦而人習之者歐王蘇黃四
家而已前輩之文行於世者已少况其小小者耶自朝
廷以經術取士有司以王代之說為權衡學者靡然從
之比使諸儒各出其門則向之隱而未見者亦已出矣
試取而讀之亦無甚異豈非聖人之意大畧不易於此
歟又觀唐之詩人各以所長自名一時近世之士喜廣
己而造大凡有賦詠則長篇短韻欲與李杜爭衡矣此
所以不能立名於天下也今以僕之閒暇身安而食廩
祿無飢寒迫切之憂固可以游息於此也然將留心於
經術耶則經術之說已明留心於文辭耶則文辭之作
已多非特無以傳於今又將無以傳於後非特無所成

其名又適足以勞其心至於仰看屋梁用覆甍則又不足道也昔顏子在陋巷簞食瓢飲終日如過而孔子賢之黃叔度議論風旨無所傳聞而見之者服深遠而去疵各豈待文辭箋注之末耶僕何足以望此而竊有志焉若乃應用之文則又淺近俳諧不足為閭下道

再答書

某啟前日匆遽畧布所聞惟又嬾於作字殊愧草率昨日蒙枉車騎重辱翰墨之貺并詰其說夫所稱漢唐及本朝述作之士凡十二家非以其餘為不足稱也蓋取其盛者言之耳具且在漢則有劉向王褒董仲舒枚臯父子張衡崔駰傅毅蔡邕在唐則有王楊盧駱沈宋陳子昂李嶠燕許元白皇甫湜孫樵此尤其卓犖著見於世者至於魏晉齊梁以降代不乏人列於文苑藝文傳者姓氏亦班班可考本朝文物之盛度越前代則有若王黃州楊文公劉子儀李邯鄲二宋兄弟曾子固以及張文潛秦少游之流載於國書傳於士大夫之口者亦已

衆多未可以一二數也僕竊不自料亦嘗獵其英華涉其波流矣凡諸家之作或有傳者或不傳者或有好之者或有不好之者若夫所舉十有二家之作則未有不
好之者矣未有不傳之者矣是猶米之有稻梁肉之有芻豢也人皆嗜之孔子登東山而小魯登泰山而小天下孟子觀水有術必觀其濶蓋謂是也今閣下疑僕獨稱十有二人何其鮮也蓋十有二人皆所謂傑出者然亦豈能遽掩諸家之善哉且揚雄之賦學相如作也班固之書學史遷作也韓愈之文學孟子作也本朝諸公之文學韓愈作也然則雖舉十有二家僕尚以為多而閣下又以僕比之富商大賈自託於貧窶之人而求益焉僕誠無以益閣下顧可以益閣下者不過十有二家之書爾觀其為書也汪洋浩博千變萬化涉之者不見其涯涘窺之者不見其困奧譬之如衡陽之林岱陰之麓焉伐尋抱不為之稀藝拱把不為之數又如鐘山之玉泗濱之石焉累珪璧不為之盈採浮磬不為之索亦可謂

盛多矣其為富高大賈何加焉閣下好學多聞喜蓄異書於此必已深探而熟觀之更少加以意則如是而權輕重如是而知取予如是而懋遷有無皆可取之而逢其原也則閣下之富又將孰禦凡人竒偉所聞簡忽所見願閣下勿以世所共傳而忽之六經之文天下所共傳自古及今用之而愈無窮未聞舍此而他求也若夫聖人之術固在於躬行亦豈敢謂僕之自得哉孔子曰文莫吾猶人也躬行君子則吾未之有得又曰行有餘力則以學文雖然文非學者之先務而聖人之術亦非文不傳韓愈亦云僕之為古文學古人而不得見則兼通其辭通其辭者本於志也前輩述作之指大抵如此閣下其裁之

與胡樞密薦孫傳書

某伏見左宣義郎孫傳學術博通文彩拔蔚久歷州縣通知世務昨來叅知政事謝公及從官數人屢薦于朝值其遠宦南海未有所成凡前日宰執避地廣中者無

不倒屣接納並曾薦舉蓋其文學政事議論材知非特
州縣中少見其比求之朝廷亦未易多得也况傳出入
州下既久其所蘊蓄想樞密必深知之然其人守道安
貧恬於進取或恐聰明有所不及某區區之見竊惜奇
寶橫棄道左而閣下箱笥所儲猶有空虛不滿之處所
以率意稱述不能自己幸察

與畢少董書

某嘗觀歐陽公沈存中諸賢所攷古權量之制皆謂比

今三分之一然權衡度量一本於律故三者大畧相等
輕重大小姑置不論惟尺度猶顯有可疑者曹文稱文王
十尺湯九尺則尚未及今之中人晏子不滿三尺則侏
儒已甚若公孫呂面長三尺廣三寸不亦狹長乎晉荀
最得古玉尺亦謂古尺皆短不知比今之尺度果如何
耶以公博古願以示教

文

吉州謁廟文

欽定四庫全書
卷六
廬陵為郡素號煩劇國步方艱而井邑無虞吏民安堵
此寶神明默有以相之也某被命行朝濫紆印紱視事
之始恭謁靈祠冀神之休永庇斯土

祈晴文

干戈之餘沴氣未息麤麥將稔謠雨害之大懼斯民轉
于溝壑是用奔走有禱於神惟神掃除氛祲賜煥時若
則邦用足而民食充神之為賜大矣仰祈靈貺其亟圖
之

又

三日為霖厥罰諒因於曠職萬里同咎至誠祈感於高
真輝騰賜谷之精序正勾芒之律促趨南畝可俟西成
某荷至德以難名感洪恩其上報式嚴醮事當薦悃忱

又

天作霖雨害於來麤民既病矣吏思其憂吏無他術惟
神之求神之聽之速於傳郵揮訶風雲俾往勿留乾端
坤倪日馭斯周俾我麤麥或播或揉民用以飽吏職亦

修酒殺雖薄以答神休

祭王無競學士文

嗚呼壽夭數也全其生者蓋寡富貴天也兼而有者幾
希惟君少不惑於貨利能力學於文辭名譽光乎朋友
發策拔乎天墀置材猷之自勵與英俊而並馳稍躋榮
於儒館竟坎壈而弗施洞庭之野震澤之涯泛扁舟而嘯
傲追漁父以同嬉酌三吳之醇酎對十樣之蛾眉擷甫
里之杞菊詠笠澤之詩書邈三賢之高躅美夫子其兼之
之何疾恙之倉猝與一世而長違昔壬辰之賜第識夫
子於京師託同年之末契亦會少而多睽通婚姻而未
久觀翰墨之勤斯遽成凶於不救心慘怛其猶疑嗟日
月之於邁卜窆窆之有期聊摘辭於一奠望翠柳兮增
悲嗚呼哀哉

祭石長儒文

昔我先公宦遊東越論文豪俊接武者哲君於是時妙
齡秀發瑤林琪樹輝映闕闕吐辭為論下筆成章才兼

終賈氣壓王楊時我季姑年及結褵謂君英特望族是
歸材與命舛場屋差池屢試蘭省弗克雄飛安貧樂道
澗飲崑棲覃思麟經訂正是非使者論薦促對天墀謂
宜得志有所設施老於一命廩食叢祠云乎不淑與世
長辭顧予晚進念昔追隨弁髦之歲以君為師迄於今
日能誦君詩我亦老矣霜髭滿頤聞君之喪曷勝其悲
絮酒千里詞以有之

祭吳伯承主簿文

嗚呼酒者何物也天之美祿也醞釀麴蘖腐敗秣稻而
後成也自堯舜三代以來君臣上下朝廷鄉黨無不用
也冠昏喪祭會同燕樂賓客軍旅待此以行也賓主百
拜以為禮一飲一石以為歡沉酒淫泆由是以生也夏
禹之訓周公之誥詩人之刺未嘗不覆而丁寧也為琰
為觴為尊為罍曰卮曰敦曰觶曰觥未嘗不取物此象
以為戒也自古邦君卿士荒酒於此以至敗國亡家者
不可勝數也若夫高人達士沉酣於此將以忘情邀世

者乃可無咎也往歲見君於烏邱之戍方自於放酒終日酩酊未嘗醒也劉伶忘其思慮阮籍踈於禮法甚相若也君為余言酒之德可以禦寒可以逃暑飢可飽飽可飢也余飲素少過量則困雖知其利亦畏其為害也奈何君於腐腸之藥未節又濟以伐性之斤嬉嬉然玩弄虎狼甘嗜醜毒自以為適也逮余脫身南還咫尺之書未報而君遽病且死也壽不踰五十位不過一命蓋恃疆壯之甚而戕賊之遽也昔嘗相約扁舟載酒笑語

於農隱之上斯言猶在而志何可遂也千金之軀萬金之產莫知貴愛戢其身於一棺也茆塔之濱鶯湖之泖良田千畝春耕秋穫寧復省察也溝塍剝鏤版籍糾紛家之子弟與紀綱之僕莫能周知也君之從弟比屋而居喪服未終君又繼而長逝也男婚女嫁弗親見之而游魂神於岱宗也清酒特炙平日所樂今弗能厭飲也余方窮居武原杜門掃軌聞君之喪不克往也鷄黍之祭尊鯽之奠古人之行之豈以微薄廢也侑之以文冀冥

靈來身而寫余之悲也

祭勤王將士文 奉聖旨撰

王室不競冠難薦臻主上移蹕江吳席未及暖逆賊苗
 傅劉正彥包藏禍心乘間輒發逼脇上下反易天常實
 賴熊羆之士不二心之臣糾合戮力克清大憝逮主上
 返正元惡逋逃肆命將臣追躡其後頑凶反噬敢拒我
 師金鼓所臨有進無卻惟君子等奮忠賈勇被羽先登
 喪其首領歿於行陣此一時同功之士所以惻怛痛悼
 能自己也今既取彼鯨鯢戮於都市攄國之憤神人聞
 憐而旋歸將士郊勞而飲至舍爵策勲之禮無不備舉
 皆歎君等之不及見也主上當宁太息慨然有感於心
 已命有司錄君等之孤又周恤於家非特慰君等冥漠
 之知抑將為天下忠義之勸酒肴具設侑以斯文鬼而
 有靈當體天子褒功隱卒之意尚饗

鼯鼠文

甲子之夜爰有鼯鼠跳梁棟楹盤旋堂宇縱橫肆行啾

啣相語敗裂牕紙呵叱弗去兩猫熟睡弗覺弗悟鼠無
忌憚自謂得所既旦而興日升東序容光必照黜闇斯
覩鼠乃狃怙故態騰趨鼓舞顧視周章沿梁及礎有猫在
後弗顧弗慮躍而搏之如狼遇虎菴爾之軀執於爪距
殺而食之再齒再茹肝腦狼藉血流當戶隴西子驚而
視之曰此余驕爾之過也余既不考邠詩以熏爾於穴
中又不能效張湯磔爾於堂下包容縱恣弗爾謹怒使
爾跳床撼席不憂不懼一朝至此禍不可禦豈吾猫雖
弱昔困而睡今適遭其醒耶豈恣睢日久罪慝貫盈而
天殛之耶豈啗楮裂絮以禦冬寒而反喪其身耶豈乘
虛履危弗辟嶮巇而陷於禍機耶豈出非其時弗知晝
伏夜動而自取大難耶豈見其所可欲欣慕以往而不
備不虞邪噫嘻悲夫是夕之後妖孽屏除奧闥寂縑緗
羅列牕牖完密余夢既覺安坐一席靜而思之再三歎
息

序

訓聞人氏諸子字序

嘉禾聞人茂德於余為外兄弟比適其家命子姪出拜
凡七人有巾而屋者有髻而髦者有祝而童者拜揖甚
恭余以是竊喜聞人氏之多良子姪也既而持正謂予
曰曩者盜發青溪之歲予子與兄之子實生奉先君之
訓曰寇難遽作如此吾孫他日別為二名請予字之余
取其義訓相近者書之下方又為說以告之曰堯舜三
代之民大抵皆忠厚故比屋有可封之俗以其教化明
而習俗美也傳曰堯舜率天下以仁而民從之詩曰
周家忠厚仁及草木蓋忠恕也忠厚也其本皆出於仁
未有仁而不忠厚忠厚而不仁者也孔子曰臣事君以
忠蓋能厚於其君也又曰與人忠蓋能厚於其友
也是忠者必厚厚者必忠也故堯民之字曰子仁舜民
之字曰子厚其義一爾詩曰天生蒸民有物有則民之
秉彛好是懿德書曰於棐民彛是天下常行之道處君
臣父子之間者也故彛民之字曰子常詩曰言笑晏晏

謂和柔也書之古文曰欽明文思晏晏謂寬裕也揚雄稱斯民之盛曰晏也繁也則二義亦兼之矣故晏民之字曰子和余謂諸童子耳目恂達志氣方銳儻能思其義而力行之則忠厚者蓋為仁人長者斯不流於浮薄矣秉彛者蓋為躬行君子期不失其常心矣治人者必濟世於仁壽則斯民不失其望矣是皆古之人立身行己之大者亦在夫勉之而已然公家於嘉禾為盛族百餘年間簪紳相繼而未大顯於時宜其誥誥之慶方興而未艾也繼此而有命名者願以見告方泚筆以俟焉

送唐道人序

資聖寺僧茂實造佛殿成求余文紀其歲月余謝不敏閱歲中凡三四至曰已伐石於平江矣繼又與唐道人來則曰此善刊字者也余亦莫知其何如人碑既成以二三名士所予詩文見示其得其本末乃嘆曰呂洞賓者世皆傳其得道蓋嘗遊東都或在江湖間題詩岳陽樓而人見之者甚少也今唐生有棲神導氣之術不

以告人而刊字以自給非出其所得詩文余亦何自而知之而况於洞賓乎古語曰相馬失之瘦相士失之貧况夫方外之士初弗求知於人而人亦莫之知可勝嘆也紹興丙寅人日大隱居士書

記

漢麒麟閣名臣圖記

自昔繼體守文之君欲大有為於天下必賴輔弼共濟康功是以元首股肱相頌一體志同道合乃克有成載

之詩書不可誣已非昭揚勲德以著其感之遇榮奉承之蹟則何以為君子之勸哉漢宣帝之在御也朝廷清

明海宇靖謚符瑞並貺四夷賓服甘露三年帝思股肱之美乃詔取名臣之尤者十有一人圖畫於麒麟閣法其形貌書其官爵姓名焉曰大司馬大將軍博陸侯躬秉節誼定萬世策以安宗廟功德甚茂其冠羣后尊而不名曰安世宿衛忠正勤勞王家曰增寬和有守世載令聞曰充國料敵制勝奮威先零曰相嚴毅廉正總領衆職

曰吉寬厚不伐同心輔治曰延年典司朝政練習憲章
曰德宗室之良持身謹厚曰賀儒術自進列位九卿曰
望之忠正不撓經術該明白武仗節忘身不辱國命並
能毗予一人勤功王室內膺心膂之寄外備爪牙之任
允文允武曰勲曰庸是宜表而揚之明著中興輔佐列
於方召仲山甫焉於戲君臣相遇昔人謂難矣觀夫宣
帝承累世熙洽之後勵精政事總覈名實自丞相以下
各奉職而進樞機周密品式備具上下相安莫有苟且
之意考其輔佐類皆知畧材術各稱其任遂致政事文
學法理之士咸精其能至於技巧器械自元成間鮮能
及之故得紀律赫然號稱中興然則圖繪其人置諸延
閣俾預其選者知褒榮之不忘望其像者知勲業之可
勉一舉事而衆咸知所勸顧不盛哉竊嘗觀先王之崇
有德報有功也紀之旗常銘之鐘鼎或藏在盟府或祭
於大烝皆所以激勸臣下使之趨事赴功而已漢承嬴
秦之後三代典籍僅有存者乃能取其意而行之是先

王崇德報功之道也固宜記之文字刻諸琬琰繼夫蒸
民崧高之作以彰任賢使能之功不其躋歟至於閣之
建自蕭何之營造閣之名因元狩之獲麟則具在掌故
斯皆畧而弗書云謹記

刻戒石銘記

紹興二年十二月詔遣監察御史五人循行諸路檢察
詔令平反刑獄觀風問俗宣布德意凡異時所下詔令
有司奉行不虔徒掛牆壁而實惠弗及於民者咸得以
按治之既親灑宸翰丁寧訓飭以太宗皇帝取孟昶官
箴之語書為戒石銘命使者就賜俾刻諸石以為守令
座右之戒於此見上之焦勞求治憂憫元元之意甚厚
臣待罪此邦躬被認旨敢不夙夜自竭以率八邑之吏
其各悉乃心共乃事以承休德庶使斯民舍刀劍而操
耒耜復臻太平之盛必自茲始矣謹記

農隱記

秉耒耜衣襜褕勤勞畝畝之中者是農非隱處山林樂

間曠道遥塵垢之外者是隱非農皆民也勞力者也食人者也隱則有士君子焉孔子所謂舉逸民天下之民歸心者是也其智愚賢不肖勞逸高下固不相侔則農與隱異久矣劔川吳伯承世為大族崇寧以來始徙家於湖秀之境仕宦之餘父子戮力治生於今三十年田疇益廣乃築堂於場圃之上榜以農隱開闢窗牖蔣松菊南榮治耕稼之務北池有魚釣之適蕭然真隱者居也一日余造其堂試持前說而問之伯承答曰三代之時人有常產故仕者不出其鄉里居者不窘於衣食以顏子之貧猶有郭外之田五十畝足以給饘粥郭內之田十畝足以供絲麻又得聞夫子之道故雖不願仕而有終身之樂陵夷至於孟子則暴君汙吏慢其經界而井地不均矣於是有為貧而仕之說秦漢以還士大夫汲汲於利祿喪其所守者十常七八如陶元亮之徒憤世嫉邪棄官而去又菽粟不足以自給至凍餒以死若是則雖隱亦何聊耶今僕幸饒於田東臯南畝盡在

吾堂之左右四顧芒芒無復舟楫闖闖之擾又得意於酒遇飲輒醉春到耕者効其力秋成則獲者獻其功余方獨酌引滿陶然自得安知農之非隱隱之非農耶予曰子之言是也然方承世賞調官選部而輕財重義矜恤宗族惟恐不及則志氣倜儻宜有以自立於世又豈可安於田里而為陳元龍所羞哉顧余不材濫被榮寵坐糜稍廩而靡有補報田園蕪沒茫茫然而曷歸乃自放於寂寞之濱攻苦食淡以其餘力買田數十畝於茗雪之間而將老焉若天假之年使其不待疾病垂死而後納祿尚能扁舟載酒相從笑語於斯堂之上其必有日矣紹興丁巳中秋日大隱居士李某記

頌

圓象徽調閣奉安隆萬頌

臣竊惟皇帝陛下永熙洽之運紹揚先烈制禮作樂百度脩舉朝廷清明海宇康乂乃政和紀元之六年泰安隆萬於圓象徽調閣誠治世之盛舉也惟茲寶鼎寶國

重器自禹而降其制弗傳聖上深發獨智與神為謀不
貳不疑自我作而降鵠居中獨為重鎮管攝八方九州
之氣可以孚享上帝卜世卜年永永無極而內閣之建
深嚴靖密實為神器秘藏之地於皇休哉真有宋億萬
年無窮之偉觀也是宜播之聲詩以昭著盛德臣愚不
自揆謹拜手稽首而獻頌曰宋受天命維億萬世重熙
累洽既安既治聖主嗣興誕揚丕矩建法立制自我作
古與神為謀乃作寶鼎氣歆浮雲光吐金景惟茲隆
萬屹然中峙八方既奠九州是理上應列宿下鎮地紀
為國之寶自今其始龍鸞光潤神物所扶陳列於外匪
安匪居廣內之嚴雲閣之秘邃在西清中藏神器圖象
徽調華榜昭揭層建魏哉修梁截業奠厥攸居天所保
之卜世卜年永永如斯於惟古初一統天地取象三才
黃帝是繼禹平水土貢金九牧成周之隆定於邾鄆一
變而九取數斯備聖人鑄之孚享上帝寥寥千載人孰
敢議聖不有作器焉能制置諸內閣教寧四方緼其色

燁煌其光天子萬年受天之祐慶流本支澤周率土薄
海內外莫敢予侮小臣作頌以繼吉甫

銘

復禮齋銘

渾然一性中有覺知感物而動私欲害之約之以禮勿
順乎非能克而復氏庶幾

務本堂銘

仁為道遠行莫能至究其本原在孝與悌孝悌之性誠
矣無偽廓而克之為仁甚易

尊所聞齋銘

學以致道求所未聞追省高明其德曰尊昔者大舜聞
一善言若决江河行之沛然昔者子路未之能行惟恐
有聞力莫之勝或異於是口耳是咨呻其佔畢弗慮弗
思罔知守約罔知闕疑如彼涉獵雖多奚為嗜靈遺味
棄醇啜醜求馬唐肆亡羊多歧宜一其志經術是師思
以精之問以辯之日長月益厥修乃來以所自得發於

文辭既耕必獲既蓄必畚充實於內輝光爛如三餘靡
失多材是儲勤而行之終始勿渝

賦

草堂春色賦

飲君以草堂之春色侑君以海蛤之甘鮮何羨兵厨之
醞寧思蟻慕之羶顧十年其久困將一麾而遠守腹貯
玉川之五千食厭廈卽之三九酒之醇醲兮聊以澆其
膏蛤之柔脆兮聊以爽其口鄙周瑜之高困舉王行之
阿堵發孤笑於羣憂俄頓足而起舞雖非仲由百榼劉
伶五斗亦足以解度信之愁慰東陽之瘦矣

欽定四庫全書

大隱集卷七

宋 李正民 撰

五言古詩

程之徒

堂堂王夫子實為鄉曲英
 十年遊太學冬雪而秋螢
 南宮掇異等四海馳雋聲
 未展霄漢志憂患遽所丁
 自言程之徒高論何崢嶸
 彬彬矚學子鼓篋稱諸生
 何必驚時文但貴存其誠
 道義苟內充爵祿必爾纓
 吾師昔如

斯草澤膺弓旌勸講邇英閣探賸多研精祝李樂其說
談辨惟縱橫仲子頗守常歸來自窮經一日賢詔下折
桂何芳馨先生遂薦之橫經闔閭城又欲薦祝子可方
古巖耕宜從布衣起知足平撓捨貴公問其人科舉頗
所更答言彼材豪不肯循度程貴公聞之笑何以取官
榮推轂既未効鼓柁歸洞庭先生躋禁從仲子亦飛騰
名對趨九陛一言帝心傾亟命遷京秩訓詞人所驚庶
可共學者品題自師評李子獨不偶沿流出舒荆游謁
公卿間落寞無所成邇來貧且病屏迹居四明自言已
膏肓無以保性靈我嗟師友義此道久凋零寄言後學
者中庸當力行

寄彥章內翰

少希端木賜遇事多臆度老矣智慮衰所見頗踈畧都
將幾許鐵鑄成一大錯歸來自悔咎俛仰懷愧怍經營
水雲居逝將老寂寞為欠草堂資此計殊牢落欣聞故
人近鐵甕羅戟梨坐覽江山勝守彼北門籬嘗觀萬卷

書素號精且博爾雅偶未熟遂中螭螭惡那知謝太傅
雅志在丘壑擺種連百頃場圃正收穫黃花已經霜餘
英猶爍爍仍携縹緲人有酒可斟酌老拙失所望宛如
魚在涸鬼笑伯龍貧人憂顏氏樂海瀕富蝦菜尚有驕
藜藿妄意茗雪間數畝躬耕鑿相望幸不遠鄙吝資發
藥扁舟泛烟波乘興聊一噉

枯木歎

海隅有喬木枝葉多離披庇廕數畝地鬱鬱凌雲霓歲
久漸生蠹蠹盛木乃哀朝蠹食其葉暮蠹食其枝蠹蟲
日滋長食飽肌肉肥衆葉漸零落枝幹亦枯萎僵仆大
道側但存乾死皮羣蠹盡羽化鼓舞四散飛蠹各得其所
此木誰憐之吾嗟守株叟抱膝空傷悲

和元叔秋懷

隴頭飛浮雲山色時隱蔽曦馭轉層霄漸滅炎耽熾商
飈折蒲葦清露泣蘭蕙梁燕話歸期塞鴻懷遠志畸人
感物化閱世如夢寐滴塔聞雨聲嚼蠟忘世味故園久

離阻浩蕩起歸意高詠秋興篇安仁有佳思自憐守繼
獨壯懷日憔悴脚擷秋菊英銜盃玩浮世

送聞人伯封

應奉見車工楊惜逢選士古人記半面落落纔一二羨
君眸子明洞徹無纖翳小吏曛黑來匆匆便能識憶昔
到君家經史肆論議簡編討遺忘指摘須臾至別來五
六年學問益純粹薦名上天閣囊錐見鋒銳少年好奇
偉萬卷欲盡記春官方用賦所尚在詞藝前人存矩矱

雕篆有深意寒窻務探討詎可輕小技窮理盡惟學推
論良有自士方驚場屋未能臻極擊山中有老儒發藥
祛其蔽潛心造妙理離合見同異我懷伯業能嗜學忘
肉味摩笈得異書事理了無滯况子氣方豪青萍嘗一試
孜孜其勉旃青霄將自致

春日城東送韓玉汝赴兩浙轉運以池塘生春草園
柳變鳴禽為韻分得生字

野岸漲流水名園紛雜英旭景冠蓋集清談尊酒傾重

此臺省秀駕言江海行已喜懷抱粹况推材實精衆許
極高遠時方籍經營詎止富中廩固將澤東祗還當本
朝用不待芳歲更功名自茲始勿嘆華髮生

七言古詩

寄題史伯魚讀書堂

臧室繙經何太漫鄴侯萬軸新堪玩長大誰如伯業勤
晝眠多似邊韶慢斯堂扁榜號讀書讀之百過樂有餘
焚膏繼晷自克己彬彬學子顏之徒念我壯年遊天祿
萬卷盡觀如不足羽陵蠹簡拂蟬魚太一青藜曾照燭
辛勤白髮但嘗膽燕坐茅齋猶泛覽年來老眼漸昏眵
每展青編憎墨淡

今歲梅花春中猶未開因思三衢冬月之盛作
長句

前年柯山芳草早肯使寒梅例枯槁溪邊幾樹發偏繁
墻角數枝看更好玉顏冒雪不奈寒香心怯雨尤相惱
南枝爛漫北枝催空惜飄零綴芳草竭來海角風景遲

欽定四庫全書
卷六
經冬不見端可疑紅萼涉春纔似染青苞映日未全披
千山隔兮萬山阻想見瑤英詎如許一枝誰與寄相思
回首舊遊心獨苦

息交行

君不見子列禦寇居鄭圃四十餘年人莫覩外遊不若
務內觀食豨如人忘爾汝又不見玉川先生洛城裏閉
關不出歲踰紀狂吟大句語驚人勸之請謁輒掩耳古
來賢達貴安閑豈務奔走塵埃前深居簡出悔吝少治
心養氣精神全我念竒窮自平昔險阻艱難多所歷
年京洛困糞鹽五載江湖負羈勒比沐天恩處閑散琳
宮賦祿容家食老僧叅罷返林泉病馬力疲棲阜櫪掃
除一室空復空收還魂魄安其躬衣冠深藏罷應接杜
門却掃閑奴僮放懷書史得真樂坐忘乃與希微通不
須疑我何為爾亦有文字如長虹

余君贈我以茶僕答以酒

投我以建溪北焙之新茶報君以烏程若下之醇酒茶

稱瑞草世所珍酒為美祿天之有碾碎龍團乳滿甌傾
來竹葉香盈盍滌煩療熱氣味長消憂破悶醺酣久君
不見竟陵陸羽號狂生細烟小鼎親煎烹扁舟短棹江
湖上茶爐釣具常隨行又不見市國劉伶稱達士捧罌
銜盃忘世累無思無慮樂陶陶席地幕天聊快意欲醉
則飲酒欲醒則烹茶酒狂但酩酊茶癖無咨嗟古今二者
皆靈物蕩滌肺腑無紛華清風明月雅相得君心自此
思無邪

覽新達詩卷有感

昔人作詩例苦窮今人作詩乃得通何意崩騰永嘉末復
見正始之遺風杜陵太白困羈旅孟郊賈島亦不逢
聖俞不得一校理子美謫死吳山東升沉富貴何足道
名聲顯赫摩蒼穹新編起予為太息萬事得失疇能同

寄邦求擬南食作

不到浙鄉辜負口昔人有語真可取我住柯山三四年
厭飲蕨薇幾噎嘔扁舟乘流來檣李極目江湖幾千里

白魚市上爛如銀紫蠓斷頭多似蟻舒鳧帖帖墮水面亦
有麇麇來近縣黃閃射雉出林中田鼠化鷄毛彩綯
况復海物錯難名蝻蟀輪困似斗升紛紛蝦蛤不足數
淡菜蚶蠣資多腥僻居海岸久寂寞寒擁紅爐聊獨酌
芼之橙桂薦玉盤不比屠門空大嚼我念孫卿久滯留
欲致數品無傳郵烹羊烹魚自不惡更有負躬新良疇

寄尹叔

太湖三萬六千頃中有長橋墮虹影茅屋漁舟數百家

譙門打鼓迎官令往來舟楫何紛紛拜揖逢迎皆要人
自從兵興急供億千搶萬槩如魚鱗又有強宗并大姓
索課催租惟所命忽然平地起風波造謗興讒喧衆聽
歲前官家欲移蹕葦席茅茨千百室科敷比戶與僧坊
高下等差皆普及一時應辦姑求備嘖有煩言長官罪
差官密切來體量三尺深文想難避君不見海鹽令尹
祝夫子去年蒙恩當百里催科急迫不忍言鞭撻黎民
非所喜一朝解印謝疲民至今豪強猶切齒國讐未雪

兵未休安得斯民無瘡痍但願中興功業成盡銷劍戟
充耘耔

寄祝舜俞

彭澤縣令五斗米陶潛輕之辭百里蜀道嶮峭九折坂
王陽畏之能自免君今行事古人同要作閑官興非淺
胡為窮臘遠羈遊路指太末千賢候風霜皴膚雪撲面
舟幾折艣車推輶歸來贈我雙鯉魚尺素中藏一幅書
具言勞苦自悔責乃知世事非良圖若溪春回波泛綠
况有澆田可耕斲我今亦欲賦歸與便約臨流結茅屋

五言律詩

早春次韻

春色方薰草南來未見鶯身閑聊適野志弱敢論兵落
落松筠質欣欣桃柳情不妨聯騎出蠻榼亦携行

平原齊吐麥幽谷未遷鶯王者雖無戰元戎盍治兵山
川羈客恨桃李故園情何處花先發籃輿取次行
乍暖先催柳餘寒尚螫鶯淮壖嚴斥堠江國偃戎兵得

句重尋律銜杯舊有情經營賴者哲閑客且閑行
 佳人思燕燕公子眷鴛鴦酒戶如懸磬詩壇未息兵林
 花還自發巢鵲豈無情好泛清溪曲扁舟盡日行
 畫梁將宿燕楊柳欲藏鴛賢傑籌前箸寰區望洗兵懸
 鶉空自愧磨楮敢言情聞說山西將揚威正啓行

少遊

少遊詞藝域文陣欲橫行徐庶高朋友王家好弟兄鸞
 龍觀筆落珠玉鬪詩成老境猶思舊忘言看後生

夜坐

鄉井千餘里江湖一病身新年逢甲子清夜守庚申冷
 落爐中火溟濛榻上塵水懷愁不寐惟聽漏聲頻

久雨不解次韻

雪後仍霖雨閑中積旅愁雷車聲忽轉雲陣濕難收坐
 久頻搖膝詩成苦掉頭靜觀身世事泛泛一虛舟
 易覺東陽瘦難祛度信愁雪寒殘更積雨慣落還収安
 欲附驥尾終難料虎頭五湖波浪濶歸泛釣魚舟

春事寒應晚旅人閑轉愁空塔宵更滴遠靄曉難以嗜
好藏龜殼行年問虎頭孫即多智策箭重却回舟
閻閻苦貧病皂隸亦饑愁入夜聲尤急連山勢未收無
言閑塵尾有意念刀頭獨酌難成醉空乾瑤玉舟

建昌寄紙被

擣楮為衾被盱江遠寄將夜寒如挾纊晨起訝凝霜雅
稱維摩室增輝杜老堂心平可卧蝴蝶夢飛揚

得平叔信

越絕羈遊久相思斷旅魂漂寒鴻雁序憔悴鶴鷁原解
綬辭巖邑全家寄嶼村何時能過我詩律細重論

雜詩

海岸收殘雨西風放晚晴霜林紅未脫寒草綠猶生老
覺光陰速閑觀世界累輕端憂多暇日憔悴度蘭成
喬木邱園古踈籬舍屋深路隨山脚轉岸近海潮侵樵
叟欣相遇禪房許獨尋杖藜聊縱步乘興欲投簪
衰病驚殘歲生涯類轉蓬滔滔嬾回首默默但觀空山

映歸雲白窻留落照紅地偏人跡絕
龐卧短籬東
放曠人間世棲遲一草堂
神交傳遠信漁父許同行
黃菊猶霑雨丹楓未墮霜
午餘幽夢斷清磬出禪房

岸幘茅簷下西郊轉夕曛
暮鴉依接翅寒鵲鬧鳴羣
有炭勝東野無氈類廣文
虛名三十載外物漫浮雲

野岸營茅屋修篁出短籬
紙窻迎暖日石硯結冰澌
種菊陶元亮栽松杜拾遺
田園已蕪沒飄泊竟何之

九醞聞新熟三盃且自娛
已能開杜室寧復論兵厨
浮蟻盈春甕流霞注魯壺
醉來聊欲寐不覺日還晡

通宵風雨急甕牖曉光催
冷枕驚殘夢寒爐聚宿灰
作文無處賣覓句有時來
踈懶忘巾櫛柴門且未開

歲晏多風雨寒雲曉更濃
晚菘長乍翦香稻細新春
路遠思行客年荒嘆老農
秬園人不到惟聽飯時鐘

汲汲謀三徑區區卜一廬
艱難歸舊隱荏苒嘆流年
欲設維摩榻重尋子敬氈
飄零來海角華髮已盈顛
久雨渾無節重雲凝不收
朔風吹甕牖寒色透貂裘
幸

不妨農務何堪助客愁
擁爐消短晷閉戶但商謳

春雪次韻

寒風初浙澀密雪遽霏微
冷敵鶯黃酒輕沾駝褐衣
未教新柳展且伴落梅飛
惟有翟廷尉門前烏雀稀
花猶吹六出氣已應三微
路破公車履祥呈光祿衣
乍疑鷗失素稍怪鷺于飛
盤瓠空驚走南方此瑞稀

再次春雪韻

旬浹寒彌急陽春暖尚微
西華愁葛帳漁父點蓑衣
京

洛殘堪望龍山度正飛麟
經書大雪此瑞古今稀

萬壑舖平練千巖鎖翠微
車能翻縞帶塵不化緇
衣撼

樹枕柳蒲張圖蛺蝶敲門傳
詩卷此曲郢中稀

挽劉刑部

西漢于張手傳家舊得名
金科惟尚恕棘寺每持平
丹筆流餘慶朱轡藹政聲
他年門下客接武位秋卿
避地辭高密僑居寓武原
放懷樂基酒餘力治田園
方茂三松壽俄成萬日堵
九原簫鼓咽難駐已招魂

挽曾公亮寶文

靖國開皇極先公秉化鈞謝庭知有子孫閭遂延賓炬
赫蕭周上蒼黃屈賈鄰欲明當日事正論墨猶新
際會光華旦傳家各有人榮名今已矣陳迹重悲辛曷
報生芻禮難留玉樹春隼旗空望斷清淚落衣巾

挽沈伯華

望出東陽喬蟬賤濟美材海邦歌政化澤國早歸來甲
第朱門掩佳城白日開松風九原陌薤露有餘哀

挽劉朝請

無虞父

世德流芳遠身兼五福全華堂優几杖蠟屐訪林泉白
髮光陰永青雲嗣子賢佳城開吉兆松柏已蒼然
眉壽人生貴題輿善政聞中心如止水外物等浮雲方
樂千鐘養俄成萬日墳欲知流慶遠雲水自泆泆

挽廣川先生

萬卷胸中富千年筆下新廣川揚素業延閣想芳塵晚
陟螭峻戩留鳳沿津遺書應滿篋不愧泣麒麟

挽鍾處士

日昊身猶健居閑道更優庭蘭九畹戶種橘千頭惠施
曾無倦陰功祇自修荀裴門戶壯他日振餘休

挽蔡內翰

扈蹕來江表同時掌掖垣鯨波連畫鷁鹿野對清樽涉
世行藏異論交道義敦遽成生死隔回首淚潺湲
鰲禁凝嚴地雍容侍北扉花磚朝直晚蓮燭夜分歸玉
節恩雖異金甌事已非飄零舊僚友華髮老漁磯

東土游觀樂西亭風景悲漫餘曾躡屐空覆舊傳扈高
密山川隔丹邱草木滋淒涼謝道蘊泣對白紗帷

挽魯奉議

華胄流芳遠平湖世載昌鯉庭遵善教龜組責恩章勞
佚身兼適悲歡念兩忘平生修淨業歸路指西方
盛大身攸致勤勞力克堪仁心兼五福慶澤在諸男經
罷翻靈運人知弔老聃百年嗟已矣終始自無慙

挽胡茂老樞密

盛際符千載中朝第一人鳳池鳴委佩朱邱奉重輪右
府謀猷密殊鄰意氣伸佐時遺事業誰為勒蒼珉
人物熙朝盛瓊林隻出羣高名題雁塔平步上青雲未
應三千兆先修萬日墳丹臺應有籍脫屣謝塵氛
昔日蓬山會平居笑語親薄材陪賈馬高義繼雷陳南
國居方卜東山道益振遽嗟埋玉恨清淚灑衣巾

挽董舍人

華髮年方永祠廷力未憊誰云牖下死疑是醉中仙驥
子持門戶魚軒泣几筵浮生真瞬息難與問青天

挽齊安郡夫人

懿範閨房秀齊姜素望優廣川名益盛內壺德彌修壽
量方難老生涯遽若浮延平雙劍逝遺恨在營邱

欽定四庫全書

大隱集卷八

宋 李正民 撰

七言律詩

元日示邦求

濟時材術本無庸
長大猶存伯業功
騏驥已消千里志
鷄鷓聊避廣川風
論都正恐譏僮父
置酒深慚及寓公
早晚共謀歸去計
煙波襪履五湖東

示艾若訥

文章自昔為難事詞賦于今豈易工入室升堂方盡善
取青配白謾稱雄師資未省逢勅敵衡鑑應宜探古風
顧我平生章句學強談文律愧空空

寄汪彥章內翰

文華風采壓時流惠政春溫著六州纔向卞山歸舊隱
忽尋湘水泛扁舟愚溪勝踐今親見清境西偏幾客遊
臯壤山林皆可樂不須重作畔牢愁

寄彥章內翰

翰林名德冠鑿坡暫解塵纓逸興多敢謂文游同阮謝
不妨詩句敵陰何耳根到處聞捷稚心地閑來契羯磨
此去苕溪三百里扁舟終擬泛烟波

訪祝舜俞新居

平湖渺渺浸城陰窈窕垂楊一徑深千貫買鄰真得計
六年種竹已成林棊枰勝負消長日琴韻清幽見古心
萍泛蓬飛本無繫新亭何必苦霑襟

送尹叔倅濠梁

淮邦井邑苦蕭條尚可觀魚訪古濠志士攬衣辭舊隱
餘民拭目看垂橐清傳闔境持盃水器賞名賢解佩刀
無復高陽舊閭里為尋故宅雜蓬蒿

外氏居濠故云

贈劉無虞侍郎

粉戶為郎贊冢卿十年先後典銓衡要津詎可馳高足
大器於今見晚成相對樽前歎華髮寧於紙上校虛名
萬釘寶帶知非稱欲買良田待退耕

聞呂丞相還朝

粉戶為郎兩見春當時曾識濟川人留侯再踐功名地
白也今為放逐臣自笑鳧鴻飛渤澥却慚冠劍拂埃塵
數竒自是平生事終始須期入大鈞

赤子潢池久弄兵暫辭台席抗蜺旌屏風隔坐方調燮
祭戟前驅遽遠征淮蔡已膽裴相節秦川猶列武侯營
策勲未用膺光寵待復中原致太平

送尹叔之行朝

三年製錦在江吳游刃恢恢地有餘賈誼已膺前席問

稽康新有絕交書
田間雨過禾收早
庭下風來葉落初
此去去雲前路穩
未應搔首賦歸與

題海月亭

新亭注目極無邊
脫屣塵寰思杳然
萬頃秋濤翻浩渺
一輪夜月對虛圓
光連銀漢疑無地
望斷蓬萊別有天
赤水棗花君莫問
新詩賡唱似朱絃

章季萬送示其祖內制次元叔韻詩

運際熙豐政日新
近臣摛藻揆天門
當年翰墨文章妙
晚歲經綸德業尊
紀事豐碑推大手
憂民溫詔盡嘉言
大門接武登鰲禁
猶喜交游到子孫

簡劉卿任待制

暑雨霖霖朱夏寒
登門暫著鷄鶡冠
管絃豈解陪張禹
葱菜真宜待井丹
五技已窮甘退處
一錢不直嘆衰殘
明朝鼓枻辭公去
却向滄浪把釣竿

書事

嬾拙山林合退藏
客情歲晚倍淒涼
梅飄苔蘚香初歇

雪積簷溝色尚粧舊歷細看能幾日新詩屢和斷來章
何如認取安心法坐對爐薰一穗長

示姪淇

分符江左力難支竊食琳宮得祿遲淮上故園生杞棘
江邊大將列旌旗未知疏傳揮金日正是公孫脫粟時
為報阿咸休悵望十年窮巷困朝饑

送劉子材四明幕官

雉堞連雲左海傍曾攀鯨背到扶桑東衝聲教通韓國
梵剎光明記育王地接天台仙聖宅山藏奎畫妙圓章
時清幕府多餘暇薄採江珧薦豆觴

徐元美甲第新修同諸公賦詩

大厦沉沉結綺櫳誅茅新就化人宮春臺亂落桃花雨
北牖遙披柳葉風遁迹娛遊同梓澤卜居窮僻似蕭公
人生適意方為樂何必簞瓢歎屢空

再賦戲元美

綿綿千載亢華宗大棟高甍闢廣宮柳徑乍穿迷去路

金定四庫全書
卷八
桃蹊初過面春風
閑居不羨潘常侍
投轄當如陳孟公
竹外梅花猶可折
莫教碧玉髻鬟空

秀士詩

一葉扁舟一席風
夢回已聽景陽鐘
奪袍有意趨文陣
鼓篋無言拙筆鋒
好把犁鋤傍東郭
難陪衿佩集西甬
只緣未富三冬學
飲墨何須見愠客

退老堂

將相勲名紀太常
旗旄聊駐水雲鄉
栽培草木平泉里
放浪琴書綠野堂
身健未應親几杖
公歸正欲望軒裳
東山謝傅風流在
盛事齊稱左海傍

野步

步屨尋春日正暄
杖藜徐步小橋邊
身如柳惠人皆識
名比韓康世漫傳
雪壓寒梅枝嫋嫋
烟籠修竹翠娟娟
途窮興盡空回首
却見招提獨巋然

食蛤蜊

泊水沉沙族類豐
外緘頑殼力難攻
雖云眉目虧天巧

誰使瓊瑤美內充海畔屢曾逢野士坐間那復識王融
一樽風味思傾倒賴有芳鮮可薦公

次韻邦求少監

投老窮途乃叫閭再棲琳館奉高真自憐竒蹇生華髮
豈有聲名繼昔人梨棗栽培功未半林泉卜築興方新
看公穩步星辰去何必乘槎更問津

厯落嶮崎寓海濱放懷林壑任吾真恩垂雨露沾枯枿
義重金蘭有故人玉筍班聯年尚少筠筒詩律意尤新
三陽交泰逢亨運策足須登要路津

和元叔冬至大風

風掀籬落盡歌傾夜半銅壺凍已生塞雁衝寒雲路杳
林鳥啼曉夢魂驚貧探龍頷嗟無策愁望鷓原祇攪情
擬學高齋枯淡叟不妨姓字且雙行

海邑少交遊相見者以為言故作此詩

結友觀光少壯年一時英俊與周旋曳裾璧水三千士
接武瀛洲十八賢夜對短檠愁不寐朝餐苜蓿歎無錢

金定四庫全書
卷八
如今只欲藏形影
槁木寒灰學坐禪

寄雲上故人

交流苔雪轉城闌
尚想汀洲詠白蘋
擇勝已居蓮社界
歸耕恰及杏花春
彫胡映盃抄雲子
鱸縷堆盤破玉鱗
鮭菜腥醎何足道
未應回首海之濱

挽陳志行寺正

昔入陵陽接俊遊
松蘿崇好重綢繆
青衿共處披黃卷
黑髮相看到白頭
苔水卜鄰方有志
青山埋玉竟難留
飄零更覺親朋少
東望新阡涕淚流

簡邦求宗博

荆州清德畏人知
况值中原戰鼓聲
公自南來無恙以
我從東渡乏朱提
珍臺鶴祿慚非稱
別乘瓜期柰久稽
明日重陽菊花好
且拚痛飲醉如泥

寄艾若訥

宅相凋零久不振
喜君文采日清新
彈琴密令能官業
獻頌王褒邁等倫
豈有青松蟠澗谷
待看駉驥絕風塵

諸儒方講昇平事策足須登要路津

寄聞人茂德

詩人比興隱而彰三百餘篇妙義藏已識鴟鴞為巧婦
仍知扶杜是甘棠書生未省離城闕物理何從見否臧
閉戶先生學不厭更同許郭辨毫芒

未捐辛苦讀書燈老矣猶懷伯業能齊國吹竽吾獨否
荆山泣玉恨難勝滿籬自足傳兒子堆案何勞謝友朋
已注蟲魚窮窈眇却遊溟海看鷗鵬

竒元叔

涉世崎嶇三十年棲遲琳館祝堯天
桔槔不用身謀拙梨棗先栽氣守全
何幸童烏新忝命應容老鶴漸歸田
囊金未足營三徑搔首東風一慨然

寄李成德舍人

時致政
歸踈山

蓬瀛當日接英遊俛仰星霜十見秋
紅葉青苔叨並命西山南浦動離愁
寧論圓觀情猶在且喜維摩病少休
欲就書堂訪高隱便疑猿鶴不相留

買舟之苕溪

二年宴坐穀溪濱
廷尉門前烏雀馴
問舍求田將欲老
畜鷄種黍孰為隣
曾遭太僕興讒口
粗勝漳江抱病身
暫泛扁舟苕雪去
鯁鱸聊醉五湖春

自苕溪回棹

扁舟東下雪溪濱
擬伴漁翁整釣緝
黃紙紅旗慙許國
落花流水送殘春
拏舟處處爭行樂
修禊年年要及辰
悵望故園桃李月
東風吹淚漫霑巾

頤慶堂為徐氏賦

朱弓玉几邈千齡
落落雲孫尚典刑
跂翼翬飛新棟宇
筆精墨妙舊丹青
十旬釀酒宜為頌
七水煎茶必有經
積善故知頤慶遠
詵詵蘭玉長階庭

哭友人詩

流落生涯集百憂
十年抱病甬東州
忽驚白璧埋黃壤
漫說朱衣駕赤虬
高論難投衆人耳
壯心空逐逝川流
死生睽隔傷千里
淚灑叢蘭泣素秋

王謝門中鸞鳳翔少年竒志已昂藏空餘詩律知誰敵
欲繼家聲失所望作賦曾驚福衡後行歌不見接輿狂
臨終一念歸空寂詎肯修文學卜商

追憶大觀丁亥年自新安侍下入宣城學路中

作

朝雲黯黯結秋陰疊疊層巒霧靄深農叟盡愁苗欲槁
行人翻恐雨成霖四方奔走男兒事千里淒涼倦客心
稍喜西風破殘暑又携書劍度遙岑

縣學

碧瓦鱗鱗接近郊青青衿珮得同袍欣聞庠序儒風盛
不見桑榆太白高魯國已觀沂上舞漢朝應貨蜀中刀
獻酬濟濟昇平事泮水從今有弁髦

送敏申赴勅局

弟兄接武上天關行色差池一歲間獻納已看騰碧落
編摩寧久曳清班雨蒸梅暑蘭舟穩網解秋茶赤筆閑
病鶴乘軒嗟老矣鷗鷺短羽戀雲山

先疇戲簡尹叔

攜李城東雀墓邊先疇蕪沒僅名傳南來書契今無有
歲遠比隣屢變遷剪葉舊疆幾并沃釣璜遺業久輸田
莫言雞肋難料理猶勝區區貸子錢

辭高安之行

投林倦翼漫差池揣分量材祇自知鬱鬱安能久居此
栖栖若是欲何為文軒華轂非余望白髮蒼顏嘆我衰
聞說風波猶未靖難於江海把旌麾

尹叔若訥和邊字韻因再寄

遁迹東遊滄海邊全家到處寄郵傳江淮李監人多厭
甲乙商墟利則遷遣興千鐘猶有酒思歸一馬尚無田
買山擬作誅茅計難學巢由不用錢

將相驅馳正事邊風聲喜自道途傳鯁生豈解求三捷
榮路如何望九遷勵志陶公朝運甍決疑平子賦歸田
誰人肯為將軍地自笑都無直一錢

寄曹明甫

憶昔宣城接俊遊回頭三十六清秋少年志氣青霄近
老境飄零白髮羞可嘆飛光如電往自憐外物等雲浮
何時相對一樽酒與子同消萬斛愁

寄艾若訥

擬尋荒僻事田園竊食祠廷愧國恩休論鶴長鳧甚短
且看齒落舌猶存陶潛昔去因多忤房琯今知欠不言
欲問大鈞吾豈敢喙長三尺亦須吞

寄孫邦求

少年英氣已崢嶸泮水曾傳御史名白簡自宜繩列位
皂囊終不負家聲且隨郡守尋春去未向班心布武行
知有彈冠貢公喜休嗟華髮鏡中生

寄張子安

穀水分襟十五秋此身萍梗任飄浮久棲孤館為真隱
未訪名山作勝遊醉裏周郎曾度曲閑中庾信祇添愁
西風起我江湖興擬把蘭橈上釣舟

來往三吳二十年星星華髮已盈顛未開松菊陶潛徑

且泛江湖范蠡船
黃石不逢寧論富
丹砂可就試求仙
乘閑欲訪張公子
共說昇平一慨然

寄元叔

湖海飄零畏甲兵
敢將筆墨論功名
好官未憶羊元保
萬戶難侯李北平
智短雲霄曾踈足
老來農圃合謀生
王維薦弟雖無愧
尚恐諸公厭禰衡

再寄曹明甫

憶昔陵陽寓學時
登山臨水共追隨
並遊志氣青雲近
投老光陰白髮垂
顧我家無阿堵物
喜君門有寧馨兒
仍聞歲晚聊棲棘
願訪茅齋杜拾遺

和叔食黃雀有詩求葉公書次韻

驚禽投案庇微軀
尚見頭顱萬里餘
敢謂苞苴猶到我
偶因棠棣得逢渠
身閑幸飽公孫粟
地散難移薛相書
聞道舍人已傾蓋
承明何必戀吾廬

邦求假僕制臺示詩褒拂次韻為謝

漫試詞科久綴文
誤升禁掖掌絲綸
判花舊職懷先德

留草私家愧古人珍寶未能逃
拙澁詔書何以變溫純
相如多病辭源涸紫橐同君再拂塵

與客往天寧素飯以惠山水煎茶

精舍閒遊結勝緣老來寧復嗜腥羶
共分摩詰衆香飯
仍試華山第二泉石鼎煎來甘有味
乳花浮處色尤鮮

幾年瀉鹵傷牙頰吮嗽華池便欲仙

惠山本名華山張又新以此泉為第

二

聞人餘慶見和因再賦

世路功名懶着鞭閒中乘興便逃禪
檀欒林裡禽初囀
阿耨池邊柳正妍未怕俗情蝱北阮
只愁神物戲南泉
我來不為尋春色試舉開遮問竺乾

次韻許希文

少年豪氣壓詞場晚喜松筠耐雪霜
但見貂裘嗟季子
焉知素髮老潘郎黃公壚畔山河邈
陶令門前草木長
邂逅正當戎馬際共驚飄泊在他鄉

次韻王廷老

珥筆風謠萃此州二年生嘯政非優樽前自愧孔文舉
竹下欣逢王子猷九瑣洞天空悵望一麾江海漫淹留
歸心擬借南風便萬里滄波一葉舟

徐大諫道漳南與舍弟倡和次韻

天涯流落鬢絲生喜見英豪一生傾雲靄微茫分島嶼
風濤歛忽變陰晴幸逢勝餞開樽俎必有嘉言補聖明
憂國濟時公自任十年寰海困戈兵

謝公今起為蒼生樽酒相看只細傾戲綵鯉庭窺麗藻
披雲鯨海屬新晴感時華髮蕭蕭改致主丹心皎皎明
從此靈臺應偃伯共知堂上有奇兵

次韻德邵見寄

三年持橐侍君軒誤剖麟符去日邊暫解塵纓尋紫府
愧無棠蔭在螺川義之詔郡難為政邴曼辭官不待年
等是飄零江海客祇應同病自相憐

次韻邦求宗博

番禺蒼葢故舊傳名公酌貪泉志愈清絳帳有經談訓誥

金定四庫全書
卷八
淮儒無地可歸耕鴻飛久困孫內史龍具寧悲王仲卿
琳館素殮公自愧秋風蕭颯二毛生

次元叔韻

吳越飄零一葉輕戰場暫息虎狼爭身閑自適琴書樂
耳冷寧聞寵辱驚繫表對談通妙義禪源默契滌凡情
他年更遂茅齋約重使雲間見兄弟

次平叔韻

草長江南送暮春誰憐羈羽及沉鱗放懷自適漁樵樂
會面欣逢手足親齒髮漸凋嗟晚景田園粗葺作閑人
材高莫嘆特相負會見諸公寵薦頻

欽定四庫全書

大隱集卷九

宋

李正民

撰

七言律詩

和同院蠟梅

曾笑江妃粉面光
化工端為拂嬌黃
蜜脾旋滴明如剪
宮額新塗暗有香
應與鞏梅分氣味
不同陶菊鬪輕狂
捧心誰識西施病
臨鑑深顰未試粧

嶺梅開過已飄揚
獨出竒姿淺淡黃
絳萼巧粘花蘂蜜

細羅輕熨水沉香光搖獨踈連宵賞色映鵝兒瑞酒狂
只恐壽陽公主怪蛾眉畫了不成粧

瘦骨纖肌出衆芳嘉名聊占蜜脾黃秦酥亂點寒生粟
春酒初開凍發香事異代新矜屋潤巧同刻鳳伴兒狂
十年不見春風面依舊輕輕薄薄粧

再賦

不雜寒枝冰雪光蜜脾初點一分黃裁時巧借韓湘手
到處濃薰荀令香東閣歛藏羞太白游蜂邂逅恍如狂

艷陽時節間桃李任學風流時世粧

東海生欲以酒見遺而郡禁方嚴僕每飲又少

作詩謝之

霜凝鴛瓦曉纖纖靜擁寒爐火屢添白墮春醪空有意
青州從事邈難瞻幸逢朱博杯盤少况值曹公禁令嚴
瓶汲甘泉聊漱齒鳴夷應笑若清廉

覽鏡

覽鏡空驚鬢髮凋暮年蹤跡逐漁樵如無似有梅天雨

暫去還來海浦潮
栗里忘憂惟濁酒
錦城排悶且長謠
草堂日宴猶高枕
不怕當關苦見招

客有以茶易竹次韻

琅玕黝壁兩清虛
不比山陰鵝換書
花乳試烹應有味
龍孫新種未嫌踈
輕身通氣宜君飲
冒雪停霜稱我居
斜曲短長休更問
森羅萬象已如如

再和換竹

此君風度不可無
禪老方翻貝葉書
試遣酪奴相問訊
為邀青士看扶踈
芳香雅稱松江水
蒼翠還宜長者居
明月清風隨處是
去來有分意何如

和同院梅花

歲殘萬木凍如癡
聚窟飄香起玉肌
韻勝自依山谷裏
膚清偏稱月明時
且看雪後微微折
只怕風前細細吹
蓬島瑤池空入夢
不將清興屬芳枝

孤標無物可相宜
淺淺嬌黃點素肌
曾向揚州動詩興
不勞杜宇轉芳時
高情已與雲為友
冷艷仍愁雪共吹

自笑剛腸如鐵石難陪徐庾賦南枝

清真淡薄正相宜肯使頽容透玉肌自倚懷冰難受染
何妨凌雪獨先時煙迷遠樹依稀見風度迴塘取次吹
聞說江南春信早憑君折取最繁枝

和舒伯源梅花韻

極目淒迷杳靄間羣芳斂迹自知難半穿籬落塗黃淺
靜對溪流照影寒月地雲階偏適意雪車冰柱若相干
莫隨羗笛風前舞却怕青青逼齒酸

羣芳誰與鬪時宜淡拂鉛華不著肌愛靜悄無蜂蝶影
耐寒孤映雪霜時瓏璵喜見銀蟾滿零落愁聽畫角吹
幾許妍詞傳不盡只誇半樹與橫枝

葉落千林景最宜天教姑射露永肌輕明素粉初勻後
淺淡嬌黃半吐時青女有情來慰藉姮娥着意借噓吹
不須驛使傳消息看盡南枝與北枝

蒼筤花開鷺嶺西何如江國見纖肌自矜六出非凡格
獨占三冬最晚時刻玉漫勞誇智巧鏤冰那復耐風吹

短牆深院淒涼甚竹外敲斜一兩枝
一種幽香取次宜耻同桃杏獻瓊肌為嫌脂粉汙真色
誰道冰容不入時寒透芳心能底瘦風欺弱質等閒吹
清樽何惜花前醉莫待飄零空折枝

春遊

草薰風暖氣潛催桃李商量次第開纂纂何須歌棗下
熙熙聊復上春臺田園粗足終歸去軒冕無心任儻來
盡道人生行樂爾勿辭頻覆掌中杯

觀德邵詩卷

天涯幾點四明山萬里滄溟去路難春晚池塘空夢草
老來塵土倦彈冠文雄自可收三捷詩好那能博一官
秋賦已聞丹詔下九霄寥廓看鵬搏

次韻同院晚春

病思愁腸叵奈何新詩無復苦磋磨欣聞郢客陽春曲
罷唱吳儂小海歌幽徑雨餘芳草綠小園風靜落花多
融樽正好酬佳景休歎朋簪不我過

華年袞袞似江波更被閒愁暗折磨
嬾逐西園飛皂蓋却尋嚴瀨聽新歌
春光不為干戈減花發長嗟風雨多
已東輕裝增別恨竹林高會阻經過

寄和叔

雙魚來自穀溪端手把緘書子細看
授業馬融塞絳帳懷歸王粲倚危欄
且憑黃耳傳消息未辦青蚨濟急難
七十從心今已過保慈遐福願加餐

飄泊柯山二十春琴書索莫困埃塵
憶攀楊柳當年別愁見桃花幾度新
公業有田猶告乏淵明解綬便憂貧
浮生種種皆為累况是羈棲一旅人

寄尹叔

來徃三吳幾度春星星華髮鏡中新
厭餐柯嶺冷毛鷄急趨松江雉尾尊
東海且垂任子釣西風尚畏庾公塵
二千石祿慚非稱未作隳官謝病人

為人踈懶自天真從宦區區本為貧
尚恨有情難學道正緣無事不隨人
腥醎連日逢河伯擊拍終宵困黍民

樂靜愛閒吾得計何須更問要塗津

寄畢少董

求金未有張車子夢草聊同謝客兒
萬里辛勤形骨瘦十年流落鬢毛衰
蓬蒿繞舍春歸後首蓓堆盤日上時
極目五湖烟水濶扁舟重理釣魚絲

寄元叔

十束三鐘未苦貧端居終歲謝塵氛
春回苒苒生芳草日暮悠悠對碧雲
往事已嗟存土梗乘時爭欲辨猶薰
傷心極目空千里腸斷稽山正憶君

寄和叔

君書於我不能忘我亦思君苦斷腸
女嫁兒婚方擾擾宦情文意愈茫茫
病來頗厭杯中綠老去時添鬢畔霜
一夜西風破殘暑蛩吟四壁倍淒涼

阮公痛哭到途窮碧海相望西與東
沉落真同土木偶奔馳方類馬牛風
烏衣舊會嗟難繼黃耳家書杳不通
桂樹連蜷猿嘯苦王孫何久滯山中

木落山高斷旅魂，
可堪雲水隔烟村。
分甘賴有東屯稻，
託贈初無西澗園。
淮上紛紛鼙鼓震，
海隅絳繹羽書奔。
何時却得同樽酒，
弟勸兄酬笑語喧。

平生粗糲嗣先芬，
肯向朝晡造業因。
夜鯉晨鳧那競爽，
露葵霜蕤自稱珍。
烝豚未辨王武子，
豆粥猶慚石季倫。
惟有清高井居士，
葱蘢麥飯久酸辛。

再領宮祠

流落天涯任轉蓬，
三千竊祿愧無功。
身遊烏帽黃塵外，
名在丹臺紫府中。
賴有俸錢優白傅，
且教閒處著司空。
揮毫擬就歸田賦，
檢點山資苦未豐。

劉卿任嘗新茶于佛舍元叔弟賦詩次韻

禁籞初嘗瑞草新，
侯邦仍得貴餘珍。
筠籃帶霧分佳品，
禪榻颺烟集衆賓。
花乳清冷仙掌露，
雲腴浮泛建溪春。
草堂睡起傳佳句，
愧我難陪清路塵。

北苑春芽鬪後先，
斲成圭璧任方圓。
泉輕火活湯宜嫩，
乳聚雲浮色更鮮。
一種風流香味別，
幾苞輻輳貴豪偏。

華堂飲散纖纖捧氣爽神清作地仙

懷舊

遁迹漁鹽遠市朝回廊落葉響蕭蕭雲迷嶺岫天將雪
草沒汀洲海上潮欲寄新詩人杳杳重尋舊會恨迢迢
暮年更欠劉龔語門翳蓬蒿轉寂寥

泉守汪兄內翰惠荔子蕉乾

遠使擔簦到草堂泉州太守未相忘素書豈但寒暄問
筐實仍分果蕊香荔子尚滋閩嶺露蕉乾猶帶粵林霜

自憐遼鶴歸飛倦咀嚼偏知氣味長

和叔來謁李守值其在告作詩戲之

赤袍畫戟擁朱門鈴閣晨扃正謝賓京兆欲行猶案事
杜陵投老尚論親蕙帷鶴怨空寒夜名紙毛生踏路塵
南郡高風非託疾未應吐哺愧前人

送元叔守建昌

論都獻賦動凝旒誰料材高却滯留芸閣九鳥刊蠹簡
霜臺一鷲在清秋中年未得文章力儉歲空懷兒女憂

游又小邦真易爾且將歌吹薦觥籌

少時佔畢共辛勤晚歲飄零寂寞濱未分塵埃蒙琬琰
豈容躑躅老麒麟文因飽學多多辨詩為窮愁日日新
五十專城雖不晚漢廷詔令要詞臣

寄宣守內翰汪彥章

中朝舊德號儒宗鳳閣鸞臺揖下風夢寐升沉十年事
歲寒情分兩人同竹籬茅舍窮愁我紅旆油幢富貴公
應有澄江如練白願憑尺素寄冥鴻

邦求示詩述其昆弟鼎臣寶臣守平江因以和之

玉昆金友播先芬兩驥騰驤踵後塵瓊笈繼緡羣玉府
麟符更鎮五湖春政成比屋冰霜肅慶衍高門雨露新
棠棣不須刊善頌家風稱述有安仁

納涼詩

鑠石流金正此時乍收羲馭霽餘威屋頭艷艷蟾蜍滿
草際熒熒熠熠飛沉李浮瓜聊自適披襟散髮欲忘歸

只愁玉漏頻催轉坐使清涼與願違

寓居

昔年南渡苦奔波天幸驚禽脫網羅
結綬懷黃真忝竊求田問舍已蹉跎
爛柯山下樵蕪賤橋李城邊魚蟹多
萍泛蓬飄終未靖作勞聊復強悲歌

投老

投老踈慵分棄捐潛心終日玩常編
欲臨南浦開三徑更就東臯卜一廛
得意故人多厚祿入流舊吏亦登仙
閒來且泛秦溪水笑把蘭橈上釣船

次韻汪汝直同年

紫陌同尋上苑春升沉榮謝事難論
時危重歎青氈失老去空驚白髮新
共待聲名繼裴馬更崇風義比雷陳
自慚持橐終無補擬乞麾符寂寞濱

大暑呈彥章內翰

亭午炎曦轉轂遲好風時復問雄雌
難為襜褕造門客正是村原渴雨時
玉醴注荷灣象鼻金盃貯水漬龍皮

琳宮散吏寧論此幸免文書苦見治

題蒙園

翛然風景可怡情採菊東籬曉露零天上早聯鄉士月
雲間今見少微星映門楊柳綠垂地對岸芙蓉錦作屏
擬結茅茨相近住徃來二老可忘形

聞元叔移居姚江

漲海連天古縣幽浮家泛宅竟何求紅旗黃紙俱無預
白壁明珠豈易投世路久諳聊爾爾宦情將老亦悠悠
不須更說黃梁夢二頃良田早自謀

次韻葉舍人

宣室君王欲受釐斯民將見少休期間中把卷空遮眼
亂後操心甚累棊郵置未傳商浩信筠筒先寄樂天詩
壺中日月公應惜拚醉樽前十樣眉

艱難險阻寄餘生重奏壘篋耳屢傾靜對竹陰談近事
頻看山色驗初晴老來漸覺憂婚嫁祿厚寧無耻聖明
稍喜幽燕通使者叔孫當使郅投兵

螭坳執筆侍清光天閣戔戔聳百常便合揮毫演綸綍
何勞琢句鬪琳琅峯巒對戶千重碧擺捩連雲六月涼
鳳閣鸞臺有虛位未容諸葛卧南陽

卜居

吳越飄零已十年侵尋綠髮變華顛身閒且運陶公甓
力弱難先祖逖鞭兵火廣陵無舊業溝渠橋李有新田
此懷應被元龍笑更傍苕溪卜一廛

別邦求

流落天涯見友生笑談宛似舊宣城春愁黯黯渾無奈
別恨綿綿誰與平膠漆久要前日契風霜不改故人情
三年留滯羈懷惡且向雲間跨海鯨

將之海鹽留別和叔

閒官贏得自由身且逐漁鹽滄海濱老去心情尤惜別
亂餘宗黨喜相親向平兒女催婚嫁陶令田園翳棘榛
擾擾浮生須有後不應迢遞為鱸蓴

國恩未報作閒人猶愧塵蹤侍玉宸松菊就荒徒引領

山川信美獨傷神杜陵衰老終辭蜀王粲登臨苦憶秦
行止非人難預料他年重上穀溪津

烟塵倉猝到淮東僅亢衰宗擾擾中浩氣不為憂患折
直辭寧與詭隨同西清自愧名浮實河潤深慚惠未豐
白髮相看真惜別祇憑一溉養衰翁

連雨新舫不至

大隱堂中岸角巾尚叨微祿不憂貧未論方朔一囊粟
正乏支離十束薪澤國烟波偏苦雨梅天蒸潤更兼旬
扁舟會泛江湖去鷗鳥相隨作散人

高安得請

免涉風波千里行江西道院久榛荆早知季子非忘故
自笑樊生不習兵祿賦百朋恩未報門開三徑計難成
老來漸覺無多累避世終期學尚平

九霄飛下白雲章寵假琳宮許退藏夢得固難之播水
汲生安敢薄淮陽寧隨鷄鶩同爭食自喜蘭茝保獨芳
苔雪西山猶好在扁舟從此釣滄浪

戲德邵

漫說靈犀一點通
人生誰肯困途窮
遠同漢代東方朔
近比江西黃仲熊
休戴南金雙德勝
幸逢膏澤屢年豐
薄田正可捐雞肋
義士于今少古鴻

戲和叔

耆年多病心未老
異縣久羈家益窮
貽書乞米朝不飽
作賦教子文尤工
春風不消兩鬢雪
酒力尚借雙腮紅
歸來羣芳已零落
苦恨鶻鴟鳴匆匆

人日和同院

層冰積雪已經旬
霽色初欣日在人
一歲暗添身漸老
百篇賡和筆如神
金花栢葉聊圖醉
車柳舟芻漫逐貧
苦恨郊原芳意晚
預期聯騎去尋春

跳丸日月走虛空
又見曦輪參尾中
冰雪侵凌傷暖律
芳菲排辦待和風
家無擔石猶能樂
腹有詩書未是窮
酒後笑談無畔岸
更將妙道問鴻濛

玉燭初更品物新
又觀剪綵鏤金人
休嗟歲歲年年貌

且送奇奇怪怪神酒有十千元自富食兼三九未全貧
王孫詩筆能鏖戰夜遣偏師敵富春

一三五七變而通端月駸駸氣已中花勝菜羹新節物
柳條桃萼舊春風詩成杜老曾悲雪文就韓公向諱窮
我有鄉名實不足已將貧富任空濛

贈章生

廷尉歸來解組纓門前羅雀自飛鳴已悲楚相為廉吏
更愧相如擅長名十部貽書寧有補五漿先饋豈無驚
朝廷不晚頒賢詔佇看鵬搏萬里程

寄德邵

躡屩擔簦又徙居未能慷慨賦歸與浯溪難繼中興頌
西塞重尋漁父書故國山川懷望切在廷知舊記憐踈
不須更論升沉事鍾釜年年粟有餘
聞說王門久曳裾餘皇曾奉數行書柯山空惚惚難為客
海岸蕭條且屏居候喜不應操采具井丹寧肯食葱菹
扁舟過我非難事百結心旌待子舒

寄元叔因呈知府內翰

聞說移居向越州三生風月舊曾遊秦碑古字應難讀
禹穴餘書尚可求海螵江珧薦醞醑林苞野蕨助肴羞
遙知屢下陳蕃榻顧我飄零阻獻酬

寄元叔

十年出處畧相同名在丹臺第幾重欲富未能求五特
為貧聊且受三鍾寒灰復焰慙安國窮鬼何知笑伯龍
泛宅浮家苜蓿上一觴一詠可從容

海上欣逢梅柳新旅懷悽慘倍傷春飄浮正類河中木
聚散還同陌上塵終擬文章為世用未應富貴後時人
登臨况有新詩句滿篋珠璣豈患貧

十日寒雲不肯晴黑貂裘敝客心驚旗亭雪濕難沽酒
煬竈烟消類曼曼學辯痴龍真末技文摛彩鳳亦虛名
山居自足三冬用老大何嫌秉燭明

欽定四庫全書

大隱集卷十

宋 李正民 撰

七言律詩

和元叔再至分水韻

倦翼卑飛憶故林
弟兄隔濶倍傷心
神州翻作豺狼窟
天塹猶防馬箠侵
何幸鴿原同急難
寧將茅茹論升沉
不須更語劉玄德
始覺元龍用意深

自嘲

寥落羈栖向海隅終年局促卧蝸廬閑如白傅不飲酒
窮似虞卿懶著書永夜悲涼聽蟋蟀幾回圓缺看蟾蜍
扶搖何日乘風去獨跨鯨魚上碧虛

和元叔聞德邵省下之作

文場決勝事何如神助曾無合浦珠正論久知傳木鐸
哇音寧使混錔釘土風未改猶思楚射御今應復教吳
白雪調高難繼和堦簾歌詠古相須

和孫邦求

筆硯情親二十年相逢直欲盡君歡短檠况味同春夢
老鶴精神耐歲寒閉戶每欣聞杖履啣盃屢笑倒巾冠
墻頭梅萼休嗟晚為恐騷人思漸闌

回首宣城一夢間黃公壚畔記前歡故交十載窮空谷
得路三人到廣寒韓愈應須拜東野鐘儀未必困南冠
平津晚佩黃金印穩步青雲興始闌

投老侵尋兩鬢斑十年情緒幾悲歡深傾玉醕何辭醉
養就金丹不畏寒鶴馭且芸崑閬草鸞臺曾著駿驕冠

少時豪氣消磨盡，賴有詩情偶未闌。

結友何殊杵臼間，舊遊重話發清歡。西江候月愁宵永，南郭尋梅耐歲寒。老筆尚凌游獵賦，剛腸宜戴觸邪冠。鸚書屢上初無補，宣室咨詢待夜闌。

流落天涯強自寬，清樽相對漫追歡。難求美玉能回煖，豈有良金解辟寒。放曠尚慙垂貝帶，招徠安敢望皮冠。野梅官柳聊行樂，坐見崢嶸歲已闌。

再和邦求一首

曾綴楓宸供奉班，異鄉飄泊若為歡。翟公羅雀交情見，鄭老無氈客坐寒。稍喜羽書清紫塞，欲從鞍馬愧儒冠。篋中未有歸田賦，聽謂臨波意便闌。

和平叔見寄

手折梅花驛使傳，在原鶴翼尚翩翩。老來庾信多愁思，歸去陶潛只醉眠。窮巷悄無車馬跡，安心久解祖師禪。夢回雲海遙千里，春草池塘憶惠連。

和邦求見寄

坐看霜霰送窮冬，流落天涯類斷蓬。
詞翰難陪杜陵老，滄浪聊訪紫谿翁。
想尋芳草門庭在，憶對梅花笑語同。
海腊腥鹹難致遠，漫憑黃耳附書筒。

和德邵

文傳臺閣播聲名，我老何庸作重輕。
束緼莫能還逐婦，亡羊因使嘆無兄。
初期薦牘青冥上，忽泛扁舟滄海行。
病已好同遊甫里，虹橋風月待秋清。

和尹叔見寄

海濱遯迹擬求安，老矣尤諳世路難。
地遠已辭龜鈕印，身閒仍戴鹿皮冠。
少林宴坐惟觀壁，彭澤知非欲去官。
鵬鷁逍遙皆自適，勿疑控地笑扶搏。

心似行雲憶故山，干戈滿地欲歸難。
愁腸索寞頻澆酒，病骨支離懶正冠。
鄭太田多猶乏食，阮公錢入便辭官。
久知身世皆如夢，萬事何須苦控搏。

和平叔

舊結茅茨閱十春，憶曾捫蝨話酸辛。
當年已訝霜髭老

今日何辭酒盞頻得雋東床人似玉頌功槐府筆揮銀
從今穩步青雲上聊慰投閒物外人

紅日新添一線催竹爐紙閣聚寒灰雨滋長畝纔抽麥
雪漬南枝欲放梅歲月崢嶸嗟老矣弟兄漂泊思悠哉
扁舟過我消離恨肯使雲帆取次回

歲晚棲棲作遠遊足音真可慰窮愁身閒文史聊覃思
老去田園亦強謀旋撥濁醪篤凍酒何嫌糲食辦晨羞
新篇起我超然興苦恨輕裝不少留

示鹿苑如老

隱約平林夕照紅杖藜松徑叩蓮宮有言未必輸摩詰
得句何妨示已公自靜其心心合道無情于境境成空
誰知覲面相看處洞水西流信已通

立春

餘閨推遷歲已新青陽不待月加寅朔風卷雪寒催臆
和氣消水早變春細餅堆盤隨舊俗磔牛當路樂村民
流光袞袞催人老心地閒來只任真

七始初華國令新芸芸品彙達于寅葭灰潛動先占候
柳眼偷開早報春曾見花枝沾近侍且頌寬詔澤編民
鏡中鬢髮蕭蕭改却羨松筠自葆真

次韻邢丞立春

一望東郊草色勻暄然和氣物皆春發生青陸權輿始
恢復皇州送喜頻勝鏤金花人漸老盤堆生菜味尤新
賡歌共覩中興日擊壤難酬堯舜仁

書花萼集後

二李詩名播浙東二車豪邁氣爭雄霜臺健筆凌騷雅
鳳沼餘波入古風賦就崧高辭並美集編華萼句皆工
龐眉書客遺音在白玉樓成事已空

快閣

萬里長江勢若傾登臨仍值雨初晴前山依約雲方斂
遠樹參差晚更明禪榻靜尋僧舍宿扁舟閒傍釣磯橫
時危滿目傷心事誰把留犁再歎盟

中秋對月

流年冉冉又秋中對酒何須念固窮
颺颺西風破殘暑迢迢銀漢瀉
長空一輪已見今宵滿千里寧知此意同
名姓舊聞題斧屨重看通籍大明宮

行縣福清憇廬山院竹軒用壁間韻

伏雨闌風倦暑途傍簷踈竹暫清虛
藍田頗畏趙卿日裹飯頻經乾竺居
過嶺黃雲收擺捩隔溪烟暝點春鉏
山川信美懷吾土何必臨川更羨魚

風雨

淒淒風雨卷重茅幽徑荒涼杞菊凋
媚學僅能延趙子言詩何遽失參寥
人情狙詐真難測愁緒牛毛未易消
靜閉柴門誰與晤惟堪痛飲讀離騷

括蒼泛舟

一溪春水碧潺湲舟沂奔灘激浪喧
雨洗隴苗何限綠日催林杏不勝繁
峰巒環合疑無路草木蒙茸忽見村
自歎經年久為客靜聽啼鳥更消魂

邦求置酒賞梅

短籬深院獨開遲似恐芳心別有期
細雨班班珠濺淚
苦寒戚戚玉消肌數枝屋角爭先見
萬點牆陰爛漫披
冷艷清香能幾許虛堂猶得薦瑤卮

再賦

破臘開花苦恨遲雪中辜負賞心期
鉛黃猶見塗嬌額
懶髓應難補病肌淚滴玉容空寂寞
粧成半面已離披
莫教點綴蒼苔地要對殘芳酌屈卮

賦雪

六花撩亂似飛蓬落處寧分室與宮
墨突不黔非減爨
秦烏變白罷盤風華顛欺我三千丈
勁氣輸他十八公
待得燭龍銜耀至冰消雲卷盡歸空

深巷高眠路不通誰知車騎謁王宮
威凌布被秋宵雨
色比麻衣曹國風亂擊鴈陂思李將
閑披鶴氅憶王公
淒涼惟有詩人苦忍凍孤吟四壁空

和趙表之大監對雪

韜霞掩日冷雲同恍惚身遊銀色宮
善巧作花輕墮砌

強名解舞漫隨風四郊普覆沾豐澤萬室平分荷至公
興滅以時無著相觀空是色色還空

瑤花飛舞下洪濛冷落茶烟古佛宮剪水裝花俱是幻
開簾入隙總因風門無行迹知袁令坐擁重裘屬衛公
遙想淨名禪榻上蒙頭端坐萬緣空

再賦

寒威逗曉入簾櫳亂雨天花帝釋宮皜皜易汙休擁篲
紛紛何似祇從風能文誰復延枚叟乘興真宜訪戴公

老去映書無眼力夜闌惟喜月當空

靄靄雲衢凝不通人間化出玉華宮汙漫光轉方輿地
浙瀝聲隨廣莫風飛絮比輕知酷似寒梅妬潔諒非公
已占三白為喜瑞愁殺貧家甌石空

對雪

朔風千里凍寒雲三白呈祥副所聞洒處蕭蕭仍浙浙
飄來靄靄復雰雰模糊碧瓦俱同色挺特踈梅自出羣
忽憶去年詩酒會鄒枚司馬盡能文

舟中值雪

百里清波一葦航
茅簷燈火照漁梁
寒吹褐袂風頭急
夜洒蓬窻雪片颺
乘興去尋戴安道
異書思見蔡中郎
胸懷礪礪須傾倒
樽酒相看氣味長

酬德邵

三年絕域寄孤身
齧雪吞梅踵昔人
琴奏南音惟念楚
雞鳴中夜忽離秦
重來澤國尋漁父
免向沙場逐鴈臣
好在五湖波浪濶
解纓濯盡塞垣塵

送李及甫侍郎知筠州

珥筆風聲播上流
舊聞道院頗優游
好將省闈彌綸手
聊寄朝廷共理憂
闔境鈎鋤知少盜
他時襦袴會騰謳
自慚為郡無佳政
且作盧敖汗漫遊

送明仲舍人知邵州

凜然氣節壓冰霜
經歲朝紳惹御香
吾道難行驚俗眼
斯文將墮振頽綱
他年致主千秋鑑
此日榮親太守章
父子相仍居兩省
菜衣歸奉凍醪觴

奉和元叔錫服

榮路回翔莫歎遲
郊居連歲捧泥芝
虎符已被新章綬
茜紱猶循舊品儀
應佩寶瓶三日寵
却同顯祖四明時
一門豐澤知難報
就日傾心比露葵

七言排律

寄和叔

蹤迹飄然寄海隅
往來寧復論親疎
風烟冷落漁樵市
鐘磬蕭條釋梵居
卜築擬為常侍賦
干時休奉子公書

泰亨乃見能連茹
剝極安知不得輿
蹭蹬且同棲櫪馬
噉喙真類失波魚
男兒所患無能爾
窮達終應有命與
戰伐干戈誅狹獠
急難兄弟困雖渠
敢忘越石思臯虜
終學陶潛自荷鋤
婢膝奴顏馬敢比
蠟言梔貌亦羞予
稽康豈肯為尸祝
楊意何能薦子虛
沅落丹心徒許國
衰遲華髮漸盈梳
勿驚歲晚多懷感
處順安排樂有餘

七言絕句

送艾若訥赴青田

駭鸞駕鶴上青田萬壑千巖古洞天堂上絃歌真吏隱
不愁淮浦有風傳

春光欲動草芊芊水綠山青上瀨船若使周公但茅屋
雪袍寧醉楚江邊

元叔易去假服戲作

幾歲飄零領外祠新街不帶假銀緋尋魚不管嬌癡女
措大從來自綠衣

題大安驛詩大安驛距信州分水嶺二十五里

壁間有鮑娘題詩云鷄聲哽入江南路柳暗
鶯殘別是春因題

平生未省歷甌閩疊巘層峯困旅人珍重鮑娘詩句好
江南別是一家春

兩州水向嶺頭分入眼溪山處處新春色故應無彼此
江南未必勝甌閩

訟牒

決遣慚非朱子元紛紛訟牒擁輜軒自嗟虛忝皇華使

材拙將何廣上恩

餘杭泛舟

灑田冉冉新苗出
烟隴脩脩宿麥黃
正是春晴蠶月好
家家織婦採柔桑

校舊書

塵垢紛紛漫掃除
可憐乾死蠹書魚
何須更待青藜照
只合齋心讀誤書

趙表之創葺禪寂之室以名求詩

誰知至寶秘真山
費盡聰明覓轉艱
漫說化城為止息

我今已得髻珠還

右寶所

徧覆包容等太空
乾坤都在範圍中
須知一點靈臺地

妙湛圓明未易窮

右範圍

呈趙表之大監為祥符藏基也

凡聖同居亦偶然
誰知龍藏結良緣
聞公舊有談天口
為借深潭五百年

木魚

華鯨祇為催晨粥想像滄波夜不寘香飯已聞鐘鼓響
何須呼喚若丁寧

書河東李驥事

君既擇臣臣擇君胡為委贄事愚人李生若是真王佐
豈向偏方遽殺身

題鹿苑寺一擊軒

本來無物可修治一擊當年何所知拱手問師都不語
等閒拈起布毛吹

列戟排鎗幾百竿森森直節逼人寒從初一擊心方悟
節月吟風盡可觀

題羊裘軒

世祖馳驅復漢家故人高卧老烟霞至今只說羊裘好
拜衮誰思鄧仲華

題丞廳清節軒

新種脩篁翠葉稠鸞凰此日小遲留吟哦自是公家事
我亦身閒愧食浮

扈從航海

雲濤雪浪感天浮
隱隱征帆去未休
蛟蜃伏藏舟楫穩
將軍何用說防秋

友人來詩有紙價高之句次韻

文章小技等秋毫
鄙作空令筆史勞
聞道東家方給札
柯藤穀楮兩相高

觀近報

眼看時事又更新
尚對黃花笑逐臣
鳧雁去來緣底事

功名真復付何人

因客話有感

女子爭桑事至微
兩國暴骨實堪悲
太行孟門豈斬絕
坐覺人情尤嶮巇

破賊凱歌八章

兩宮北狩未能歸
歲歲愁看塞鴈飛
馬上勤勞天子詔
莫教霜霰拂龍衣

淮南千里少遺民
萬頃膏腴變棘榛
闢地營田真上策

稻梁已見滿倉囤

萬幕如雲振鼓聲
角聲嗚咽馬驚嘶
亞夫持重惟堅壁
應為桑榆太白低

聞道淮西過賊鋒
捷書半夜到行宮
投戈盡是三齊士
不用鯨鯢志武功

簽軍五萬立降旗
虜將倉皇去莫追
已出壽春三百里
將軍旋旆整歸師

君王聖武自臨戎
諸將歡呼戰必躬
不是江頭旗鼓出

退師安得却成功

再歲吳門賦出車
廟堂謀斷兩相符
中興功業休嗟晚
收復關河是壯圖

皇朝德澤浸寰瀛
偽虜乘時敢抗衡
南北生民皆赤子
自然不戰屈人兵

至嘉禾

溪山繚繞踰千里
水陸馳驅閱五州
不是江鱸勝肥羜
此身那肯便東遊

覽史

塞侯微巧為求名司馬巧宦至九卿汲黯戇直安仁拙
千戴悠悠誰重輕

廷尉結廷名愈重力士脫靴讒遽臻君子小人所懷異
擇地而行乃保身

司馬萬事只稱好司空老矣三宜休處世何庸誇蹇蹇
濟時無術早抽頭

覓松江水

啄腐吞腥聊當肉消煩止渴必資茶憑君為汲松江水
活火煎來泛乳花

鄭相家遇盜僑年以貧訴于朝得倅泉州

當衢甲第起青烟曾見升平富貴年一旦淒涼人事改
不勞優孟戲君前

移桃栽院發

綠葉盈條巧剪裁餘花猶有兩三開新來試手移桃李
待向茅堂取次栽

大姓輸錢詩

大姓輸錢欲贍軍州符縣帖開如雲于今却羨鍾山老
用盡經綸得二分

蘭溪懷和叔

山遥水闊方通婺筍嫩魚肥已勝衢寄語長潭隱君子
別來薇蕨味何殊

慈雲老人

白足蒼顏老行全曾隨逐客海南邊願將一滴曹溪水

救取城中劫火然

瓶花

折得寒梅全未開銅瓶貯水養根芽臨鸞競洗晨粧面
疑是春風入戶來

夜半

虛堂卧聽雨如傾却訝蟾光透牖明起喚僕夫猶未醒
樓頭搥鼓報三更

南歸

淪身絕域久睽孤
投老歸來鬢髮疎
不但高人能笑我
此生安敢食鱸魚

三年海上牧羊羣
已分沙場寄旅魂
滿面塵埃人不識
相看惟覺語音存

風霜不改舊茅茨
自悔輕身觸禍機
丈室本來無一物
猶存禪榻待翁歸

黃童白叟喜相迎
底事吳儂亦有情
絕域歸來真異事
幸逢西北罷戈兵

蕭蕭草木映疎籬
猿鶴相看似見疑
大雅保身還自愧
不須更誦北山移

南北飄零三十秋
亂離重到舊揚州
田園蕪沒身空老
却羨如今馬少游

投老耽書未肯休
世間萬緒判悠悠
草堂蓋罷渾無事
猶待翻修五鳳樓

...

...


...

...

...

...

...



書